



Broj SU-08-997-10/24
13. decembra 2024. godine, Sarajevo

Na osnovu člana 69. stav (1) tačka b) i stav (2) tačka a), člana 70. Zakona o javnim nabavkama („Službeni glasnik BiH“, broj 39/14, 59/22 i 50/24) i Odluke o stvaranju obaveza u Ustavnom sudu Bosne i Hercegovine, broj P-1132/17 od 20. decembra 2017. godine, generalni sekretar Ustavnog suda Bosne i Hercegovine, donosi

ODLUKU
o poništenju postupka

Član 1.

Poništava se postupak nabavke usluga servisiranja i održavanja službenog vozila pod garancijom Ustavnog suda Bosne i Hercegovine marke Audi, s obzirom da u određenom roku nije dostavljena nijedna ponuda za drugu fazu postupka nabavke putem pregovaračkog postupka bez objave obavještenja.

Član 2.

Ova odluka stupa na snagu danom donošenja i objavljuje se web stranici Suda www.ustavnisud.ba shodno članu 70. stav (6) Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka 12. novembra 2024. godine. Javna nabavka je provedena putem pregovaračkog postupka bez objave obavještenja, a Informacija o postupku sa tenderskom dokumentacijom objavljena na Portalu javnih nabavki 18. novembra 2024. godine broj 514-4-2-145-20-1/24 i na web stranici Suda. Rok za prijem zahtjeva za učešće istekao je 22. novembra u 12:00 sati u kojem je zaprimljen jedan zahtjev za učešće od Porsche Inter Auto BH d.o.o. Sarajevo. Navedeni kandidat je kao kvalificiran kandidat pozvan da putem Portala javnih nabavki preuzme drugi dio tenderske dokumentacije što on nije učinio niti je u novom ostavljenom roku koji je istekao 13. decembra u 12:00 sati, dostavio ponudu za drugu fazu postupka.

Na osnovu gore navedenog i u skladu sa članom 69. stav (1) tačka b) i stav (2) tačka a) Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku i na način definisan Zakonom o javnim nabavkama.

Generalni sekretar
Ustavnog suda Bosne i Hercegovine

M. Vuković



Dostaviti:

1. Odjelu za finansijske poslove
2. Arhivi